



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Ursvla Mart. 21. Octob.

[urn:nbn:de:hbz:466:1-62968](#)

ad obsequium suum, has abstulit, quia superbiā, nē
gligentia, gratiarum contemptu dignus factus es, qui
iis priveris: dole, veniam pete, gratias age quia hāc
consolationum privatione Deus tuā consulit saluti.
Tibi venit & tibi recedit; venit ad consolationem, recedit
ad cautelam, ne magnitudo consolationis extollat te. Bern.

S. URSULA Mart.

21. Octob,

*Despondi enim vos unī virō, virgi-
nem castam exhibere Christo.*

Paul 2. ad Cor. cap. II.

Classem & vela spectas, omnia à castis ni-
vibus candida, omnia à casto sanguine ru-
bentia; virum in his nullum nisi hostem; sed
omnes virilis animi; Amazones rectè dixeris,
sed quas zonā virgine nec viator Atilia possit
spoliare. Harum omnium ecce Dux Ursula
est, Dianethi Britonum Regis filia; ob formæ
florem Connano Armoricæ Dynastæ despon-
sa. Et verò jam ecce vela facit classis castissima,
& pudori suo timens non tam in undis quam
lacrimis suis natat; jam Armoricanum versus
contra vota etiam sua feliciter fertur, jam ob-
vius Hymenæus ingratum verecundis auribus
obstrepit, cùm ecce tempestas suboritur & ar-
reptas

reptas naves in Rhenum aufert, Agrippinam Coloniam ejicit. Nimirum adversum hunc alii ventum dicent, at secundum Ursula vocat & castitati velificantem. Longum igitur exilium citis nuptiis præferens. Romam cum comitatu abit, inde iterum Coloniam. Sed longè gravior redeuntes procella excipit. Naufragium iterum minitatur Virginitati Hunnorum & Alanorum vis, quid agis pudicitia? obluctaberis tot barbarorum insultibus Virginum agmen? enim vero pulchrum, Superi, facinus! ne pudor mergatur, omnes in Rhenum animas projiciunt, & ne telo cupidinis violentur casta pectora, ad barbarorum intentos arcus ultro jugulum offerunt.

Ex D. Ursulae vita apud Lippeloum.

M E D I T A T I O. *De S. Ursula.*

1. **S**aint Ursula, Exemplo magis quam verbo socias hortata est, ut castitatem vitæ anteponerent, Moriuntur omnes sed castæ, sed innocentes. Hinc discas vitam hanc nobis & brutis animantibus communem postponendam esse divinæ gratiæ, quâ Filii Dei, & castitatis, quâ similes Angelorum simus. Hæc sit vitæ tuæ norma, quam utique inculcare debes iis, quibus præses.

2. Una ex his undecim millibus virginum, animo ceci-

cecidit, & metu mortis delituit. perfectum nihil est in hoc mundo. Necesse est, ut veniant scandala & peccata in sanctioribus cœnobiis, & congregationibus reperiuntur non sancti. Qui stat, videat, ne cadat: tuæ te pudeat imbecillitatis. Petrus Christum negat, Judas prodit, ambo tamen erant Apostoli.

3. At ex undecim millibus virginum una duntaxat delituit. In religiosis familiis, si per negligentiam & ignaviam unus cadat, stant, & perseverant quam plurimi. Quin etiam cordula, generoso sociarum exemplo accensa, postridie prodit in publicum, & Martirii palmarum adepta est. *In religione (inquit Bernardus) homo vivit purius, cadit rarius, surgit velocius, incedit cautius.*

S. JOANNES BONUS.

22. Octob.

Facilius est, camelum per foramen acus transire, quam divitem intrare in Regnum Cœlorum.

Christus Matth. cap. 19.

Genuit Mantua Joannem Bonum, sed ô malum! bonum divitiæ non siverunt esse. Nempe dubites, an cum demortuo parente hæreditatem adiit, plures nummos an vita numeraret. Unica jam Mater suis apud

S 2

Deum